

Lasio Bakriani



O Jesus phenel:

O Šiav le manušesko avilo te rodel ai te
skipil so sas xasardo.

Lukas 19:10

Ame sam le Devleske

Žianen ke o Baro Del si Del! Vo kerdias amen, ai ame sam leske; ame sam lesko narodo, ai le bakre leske kimposko. Gjili 100:3

Tu kerdian sa le dieli, ai si tutar ke von si ai ke si thodine. Sikavimos 4:11

O Del dikhel amen sar le bakre xasarde

Miři trupa phirel pe sa le plaia ai pe sa le plaiořa opre, miři trupa si pe sa e faca le themeski; khonik či lel latar sama, khonik či rodel la.

Kadia del duma o Baro, o Baro Del: Eta, me lava sama katar miře bakre, ai me nakhava angla lende. Sar jekh bakriari lel sama katar peski trupa kaidodi kana si mařkar lende, kadia me lava sama katar miře bakre, ai me

anava len anda sa le thana kai von sas tradine o dies kai sas le nuveria ai tuniariko. Me pravara miře bakren, me kerava te ondinen, phenel o Baro, o Baro Del. Ezekiel 34:6, 11, 12, 15

Ame samas dur katar o Lašio Bakriari

Ame samas pe sako rig sar le bakre, sako žialas pe peski vurma; ai o Baro Del kerdias te peren pe leste sa amare bezexa. Issai 53:6

Rode o Baro Del žikin si, mang les žikin si paše. Issai 55:6

Či šiudava avri kudales kai avela mande. Jono 6:37

Aven mande, tume sa kai san kjinuime ai kai si tumenge pharo, ai me dava tumen te ondinen. Matei 11:28

Me sim xasardo sar jekh bakro
xasardo: rode tjiria sluga, ke me či
bustrav tjire poronki. Gjili 119:176

O Lašio Bakriari avilo te rodel amen

O Jesus dikhlias jekh but narodo, ai lias
les mila lendar, ke sas sar le bakre kai
nai len bakriari; ai thodias pe te
sikiarel len but dieli. Marko 6:34

O Šiav le manušesko avilo te rodel ai te
skipil so sas xasardo. Lukas 19:10

Kana dikhlias o narodo, o Jesus lias les
mila lendar, ke von sas nekežime ai
perade, sar le bakre kai nai le kai lel
sama lendar. Matei 9:36

O Jesus phenel: Čačimasa, čačimasa,
me phenav tumenge, kudo kai či del
andre pa o vudar ande e stala le

bakrengi, numa kai anklel pa e kaver rig, si jekh čor ai jekh řobas. Numa kudo kai del andre pa o vudar si kai arakhel le bakren.

O vudarari putrel o vudar leske ai le bakre ašunen lesko hango; vo akharel pa anaveste le bakren kai si leske, ai vo ningerel len avri. Kana von ankaladias avri sa peske bakren, vo phirel angla lende; ai le bakre žian pala leste, ke von prinžiaren lesko hango. Von či žian pala jekh estreino; numa von našen dur lestar, ke von či prinžiaren o hango le estreinosko.

O Jesus phenel lenge kadia paramiči, numa von či atiaren pa soste vo del duma.

O Jesus mai phenel lenge: Čačimasa, čačimasa, me phenav tumenge, me sim o vudar le bakrengo. Sa kudala kai

avile mai anglal mandar si čor ai
řobas: numa le bakre či ašunde len.
Me sim o vudar. Te si varekon kai del
andre mandar, vo avela skipime; vo
dela andre ai anklela avri, ai vo
arakhela so te xal. O čor avel ferdi te
čorel, te mundarel ai te phařavel; me
avilem eta ke le bakre t'avel len o
traio, ai te bešen ande o but mištimos.
Jono 10:1-10

O Lašio Bakriari mulo pala amende

Me sim o lašio bakriari. O lašio
bakriari del pesko traio pala peske
bakre. Numa kudo kai si pokjindo, kai
nai vo bakriari ai kaske nai les bakre,
dikhel ke avel o ruv, mukel le bakren,
ai lel pe ai našel; ai o ruv lel len ai
phařavel len. Kai si pokjindo našel, ke

vo si pokjindo, ai ke leske nai mila
anda le bakre. Me sim o lašio bakriari.
Me žianav miře bakren, ai von žianen
man, sar o Dad žianel man ai sar me
žianav le Dades; ai me dav mužo traio
pala miře bakre. Mai si ma kaver
bakre, kai nai ande kadia stala
bakrengi; von ašunena mužo hango, ai
avena sa ande jekh than ai jekh
bakriari. O Dad kamel man, ke me dav
mužo traio, eta te lav les. Khonik či lel
les mandar, numa me dav les anda
mande; si ma e putaria te dav les, ai si
ma e putaria te lav les; kadia si e
ordina kai lem katar mužo Dad.

Jono 10:11–18

Kana ame samas inke bi zorako, o
Kristo, ande e vramia ramome, mulo
pala le žiungale. O Del sikadias pesko
kamimos karing amende, ke, kana ame
inke samas bezexale, o Kristo mulo
pala amende. Romanuri 5:6, 8

O Lašio Bakriari veselil pe kana arakhel peske bakren

Vo phenel lenge kadia paramiči : Savo manuš maškar tumende, t'avela les jekh šel bakre, ai te xasarela jekhes, či mukela le inia-var-deš ai inia kavren ande o pusto te žial pala kudo kai si xasardo, ži kai či arakhel les? Kana vo arakhel les, vo thol les veselimasa pe le zeia, ai, palpale ka o kher, vo akharel peske vortakon ai kon si paša leste, ai phenel lenge: veselin tume mansa, ke me arakhlem miře bakres kai sas xasardo. Lukas 15:3–6

Tume sanas sar le bakre xasarde. Numa akana tume avilian palpale karing o bakriari, kudo kai arakhel tumare duxuri. 1 Petri 2:25

Le bakre kamen le Laše Bakriares

Ame kamas les, ke vo kamlias amen o
pervo. 1 Jono 4:19

O Jesus . . . vo kai tume kamen bi te
dikhlian les. 1 Petri 1:7, 8

Aven, klanisavas ai kovliuvas, bangarias
e čang angla o Baro Del, kai kerdias
amen! Ke vo si amaro Del, ai ame sam
o narodo leska čariako, i trupa kai
lesko vas tradel. Gjili 95:6, 7

Dies diesesa le Lase Bakriaresa

O Baro Del si mužo bakriari;
či trubula man khanči.

Vo kerel te ondininv paša le zeleia čaria,
Vo ningerel man paša le paia kovle.

Vo pravarel muřo duxo,
Vo ningerel man ande le vurmi la
krisake, pala pesko anav.
Kana phirava ande e valea tuniariko le
merimaski,
Nai mange ĉi jekh dar,
ke tu san mansa;
Tjiri řai ai tjiri rovli arakhen ma.

Tu thos angla mande jekh skafidi,
Angla miře duřmaia;
Tu svintsos vuloiesa muřo řero,
Ai muřo taxtai del opral.
E, o miřtimos ai o řukarimos aven
mansa
Sa le dies miře traivoske,
Ai me beřava ande o kher le Bare
Devlesko
Žikin getona pe miře dies.

Gjili 23:1-6

Sar jekh bakriari, pravarel peske
bakren, lela le bakrořen ande peske
vas, ai thola len pe pesko kolin;
ningerela le bakrian kai den thud.

Issai 40:11

Kudala kai roden le Bare Devles avela
len sa o mištimos kai kamen. Gjili 34:11

Miře bakre ašunen muřo hango; me
prinžiarav len, ai von aven pala
mande. Me dav len o traio pe sakda;
ai von či xasavona šova, ai khonik či lel
len anda muřo vas. Muřo Dad, kai dias
len mange, si mai baro sar sa; ai
khonik naštil te lel len anda o vas miře
Dadesko. Me ai o Dad sam jekh.

Jono 10:27–30

Den tume ka o Baro Del anda sa tjiro
ilo, ai na ninkerdio pe tjiri godji;
prinžiar les ande sa tjire vurmi, ai vo
lašiarela tjire vurmitsi. Paramiča 3:5, 6

Vi o Kristo kjinuisailo pala tumende,
sikadias tumenge jekh vurma te trail,
eta ke tume te žian pala leske vurmi.

1 Petri 2:21

Ando sa e vramia . . . den tume leste.

Gjili 62:9

Ame šai služisaras le Laše Bakriares

Tu, beš ande le dieli kai sikilian ai kai si
tuke drago; žianes kastar sikilian.

2 Timote 3:14

Ke o Del la patiako, kai andias anda le
mule le bare bakriares le bakrengo,
katar o rat jekha patiako pe sakda,
amaro Baro o Jesus, te kerel anda
tumende arniči ande sako laši butji te
keren so vo kamel, ai te kerel anda
tumende so si leske drago, katar o

Jesus Kristo, kaske si o vestimos berš
beršestar! Amen! Židovuri 13:20, 21

Ai ame, tjiro narodo,
le bakre tjiria čariako,
Ame vestisaras tu pe sakda;
Vitsa vitsatar ame phenas
tjire luvudimata.

Gjili 79:13




SGM International

3 Eccleston Street London SW1W 9LZ

Photo courtesy of Antony Miles ABIPP

Printed in Great Britain



KALD 505



Romani? Kalderash GS